

სსიპ საქართველოს ფინანსური მონიტორინგის სამსახური

სატენდერო დოკუმენტაცია

კომპიუტერული მოწყობილობების და აქსესუარების შესყიდვა გამარტივებული ელექტრონული ტენდერის საშუალებით

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

ქ. თბილისი
2015 წელი

სარჩევი

ინსტრუქცია გამარტივებულ ელექტრონულ ტენდერში მონაწილეობის მისაღებად	3
1. ტენდერში მონაწილეობის უფლება	3
2. მოთხოვნები, რომელსაც უნდა აკმაყოფილებდეს მიმწოდებელი ტენდერში მონაწილეობის მისაღებად	3
3. ტექნიკური დოკუმენტაცია	3
4. საკვალიფიკაციო მონაცემების დამადასტურებელი დოკუმენტები	4
5. შესყიდვის ობიექტის ტექნიკური მოთხოვნები	4
6. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან	6
სახელმწიფო შესყიდვების შესახებ ხელშეკრულების პროექტი	6
დანართი №1, ფასების ცხრილი	11

ინსტრუქცია

გამარტივებულ ელექტრონულ ტენდერში მონაწილეობის მისაღებად

1. ტენდერში მონაწილეობის უფლება

ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

2. მოთხოვნები, რომელსაც უნდა აკმაყოფილებდეს მიმწოდებელი ტენდერში მონაწილეობის მისაღებად

2.1 მიმწოდებელი უნდა იყოს შემოთავაზებული საქონლის მწარმოებლის (საინფორმაციო ტექნოლოგიების სფეროში საერთაშორისოდ აღიარებული ბრენდი) პარტნიორი, წარმომადგენელი, დილერი ან დისტრიბუტორი საქართველოში.

2.2 მიმწოდებელს უნდა გააჩნდეს ანალოგიური საქონლის მიწოდების, სულ მცირე 1 წლის გამოცდილება.

3. ტექნიკური დოკუმენტაცია

3.1 პრეტენდენტმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) ინფორმაცია უკანასკნელი 1 წლის განმავლობაში ანალოგიური საქონლის მიწოდების შესახებ, შემსყიდველის მითითებით;
- ბ) ინფორმაცია, რომელიც დაადასტურებს, რომ პრეტენდენტი არის საინფორმაციო ტექნოლოგიების სფეროში საერთაშორისოდ აღიარებული ბრენდის პარტნიორი, წარმომადგენელი, დილერი ან დისტრიბუტორი საქართველოში;
- გ) პრეტენდენტის სრული რეკვიზიტები (დასახელება, იურიდიული და ფაქტიური მისამართი, ხელმძღვანელის სახელი და გვარი, საკონტაქტო პირის სახელი, გვარი, ტელეფონის ნომერი, ელ. ფოსტის მისამართი, საბანკო რეკვიზიტები);
- დ) ინფორმაცია თბილისში შემოთავაზებული ბრენდის ავტორიზებული სერვის მომსახურების ცენტრების არსებობის შესახებ, მისი მისამართის და საკონტაქტო ნომრების მითითებით;
- ე) ინფორმაცია შესყიდვის ობიექტის მიწოდების ვადის შესახებ;
- ვ) ინფორმაცია საგარანტიო ვადებისა და პირობების შესახებ;
- ზ) ფასების ცხრილი დანართი №1-ში მოცემული ფორმით.

3.2 სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად ადასტურებს, რომ შესყიდვის განხორციელების მთელი პერიოდის განმავლობაში, იგი იმოქმედებს „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და გამოხატავს თანხმობას ამ პუნქტის „ა“-„ზ“ ქვეპუნქტებში განსაზღვრულ მოთხოვნებზე.

ა) სატენდერო წინადადებით შემოთავაზებული საქონელი სრულად უნდა შეესაბამებოდეს მე-5 პუნქტში მოცემულ ტექნიკურ დავალებას;

ბ) პრეტენდენტის მიერ წარმოდგენილი ტექნიკური დოკუმენტაციის თითოეული დოკუმენტი ხელმოწერილი უნდა იყოს უფლებამოსილი პირის მიერ და დამოწმებული ბეჭდით (მისი არსებობის შემთხვევაში).

გ) ტექნიკური დოკუმენტაცია შეიძლება წარმოდგენილი იყოს, როგორც ქართულ, ისე უცხოურ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული თარგმანი ქართულ ენაზე.

დ) მიღებული საქონლის ღირებულების ანაზღაურება მოხდება არაუგვიანეს 25 (ოცდახუთი) სამუშაო დღისა შესაბამისი მიღება-ჩაბარების აქტის გაფორმებიდან და სათანადო დოკუმენტაციის წარმოდგენიდან (იმისდამახდევით, რომელი უფრო გვიან მოხდება). წინასწარ ანგარიშსწორება არ გამოიყენება.

ე) სატენდერო წინადადების ერთეულის და საერთო ფასები უნდა მოიცავდეს ამ ტენდერით გათვალისწინებული შესყიდვის ობიექტის სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;

ვ) პრეტენდენტს არა აქვს უფლება წარმოადგინოს ალტერნატიული წინადადება.

4. საკვალიფიკაციო მონაცემების დამადასტურებელი დოკუმენტები

4.1 საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

5. შესყიდვის ობიექტის ტექნიკური მოთხოვნები

5.1 შესყიდვის ობიექტი: კომპიუტერული მოწყობილობები და აქსესუარები ქვემოთ მოცემული ტექნიკური მინიმალური მახასიათებლების შესაბამისად:

№	დასახელება (სპეციფიკაცია)	რაოდენობა (ცალი)
1	მაგიდის კომპიუტერი (დესკტოპი) პროცესორი კორპუსის ტიპი: MicroTower ცენტრალური პროცესორი: 3.6 GHz საბაზისო სიხშირე, 8MB L3 Cache, 1MB L2 Cache, 4 ბირთვი, 8 ნაკადი ოპერატიული მეხსიერება: 8 GB 1600 MHz DDR3 (32GB-მდე გაზრდის შესაძლებლობით) მყარი დისკი: 1 TB, 6Gb/s ოპტიკური დისკის სამართავი მოწყობილობა: Super Multi DVD Writer ქსელური პორტი: RJ-45 10/100/1000 ვირტუალიზაციის მხარდაჭერა არქიტექტურა: x86, x64 ბიტი კვება: 320W active PFC კომპლექტაცია: USB მაუსი სადენიანი scroll-ის ფუნქციით, USB კლავიატურა: Ru/En (QWERTY)	14
2	მონიტორის ეკრანი Widescreen 20" (16:9) 0,27, გარჩევადობა: 1600 x 900 60Hz სიკაშკაშე: 250 nits დინამიური კონტრასტი 3 000 000:1 სიჩქარე: 5ms	14
3	პორტაბელური CD DVD ჩამწერი საინფორმაციო კაბელი შეერთების სტანდარტი: USB 2.0 ჩაწერის სიჩქარე: 8X	1

5.2 შესყიდვის ობიექტის ყველა პოზიცია უნდა წარმოადგენდეს საინფორმაციო ტექნოლოგიების სფეროში საერთაშორისოდ აღიარებული მწარმოებლის მიერ დამზადებულ ორიგინალურ (ე.წ. Brand Name) ახალ პროდუქტს.

5.3 შესყიდვის ობიექტის 1-ლი და მე-2 პოზიციები უნდა იყოს ერთი მწარმოებლის მიერ წარმოებული და უნდა ვრცელდებოდეს, სულ მცირე 3-წლიანი მწარმოებლის სტანდარტული გარანტია.

5.4 შესყიდვის ობიექტის მე-3 პოზიციაზე უნდა ვრცელდებოდეს, სულ მცირე 1-წლიანი მწარმოებლის სტანდარტული გარანტია.

5.5 შესყიდვის ობიექტის მიწოდების ვადა: ერთიანად, ხელშეკრულების გაფორმებიდან არაუგვიანეს 35 კალენდარული დღისა.

5.6 შესყიდვის ობიექტის მიწოდების ადგილია სსიპ საქართველოს ფინანსური მონიტორინგის სამსახურის ოფისი: თბილისი, სანაპიროს ქ. №2.

5.7 საგარანტიო პერიოდში საქონლის მწყობრიდან გამოსვლის შემთხვევაში შემსყიდველი შეტყობინების სახით აცნობებს ამის შესახებ მიმწოდებელს, რის შემდეგაც მიმწოდებლის მხრიდან წუნდებული საქონელის შეცვლა/შეკეთება უნდა განხორციელდეს არაუგვიანეს 30 კალენდარული დღის განმავლობაში.

5.8 შემოთავაზებულ საქონელზე (გარდა მე-3 პოზიციისა) თბილისში უნდა არსებობდეს შესაბამისი ბრენდის სულ მცირე 2 (ორი) ავტორიზებული სერვის მომსახურების ცენტრი.

6. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

სატენდერო კომისიის აპარატის წევრი:

თამარ კალანდაძე: ტელ: 2296625; ელ.ფოსტა: tatak@fms.gov.ge

შენიშვნები:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;
2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მოცემულია საიტზე: www.procurement.gov.ge.

სახელმწიფო შესყიდვების შესახებ ხელშეკრულების პროექტი

ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. თბილისი

2015 წელი

ერთი მხრივ, საჯარო სამართლის იურიდიული პირი „საქართველოს ფინანსური მონიტორინგის სამსახური“ (შემდგომში „შემსყიდველი“), წარმოდგენილი მისი უფროსის მიხეილ როინიშვილის სახით, და მეორე მხრივ, XXXXXX (შემდგომში „მიმწოდებელი“), წარმოდგენილი მისი XXXXXX სახით, „სახელმწიფო შესყიდვების შესახებ“ საქართველოს კანონის მე-16¹ მუხლის გათვალისწინებით და პრეტენდენტის (მისი დასახელება) სატენდერო წინადადების საფუძველზე, შემსყიდველის მიერ გამარტივებული ელექტრონული ტენდერის (სატენდერო განცხადება №SPA-----) ჩატარების შედეგად ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს კომპიუტერული მოწყობილობების და აქსესუარების (შემდგომში „შესყიდვის ობიექტები“) შესყიდვა

დანართში მოცემული ტექნიკური მოთხოვნების შესაბამისად (CPV კოდი 30213300, 30231300, 30233153).

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია შესყიდვის ობიექტების შესაბამისობის დადგენა ხელშეკრულებით გათვალისწინებულ ტექნიკურ პირობებთან და შემსყიდველის მოთხოვნებთან.
- 2.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 2.4 ხელშეკრულების 2.1 პუნქტში აღნიშნულ ინსპექტირებას განახორციელებს სსიპ საქართველოს ფინანსური მონიტორინგის სამსახურის ადმინისტრაციული სამმართველოს უფროსი.

მუხლი 3. შესყიდვის ობიექტის მიღება-ჩაბარების წესი

- 3.1. მიმწოდებელმა შესყიდვის ობიექტების შემსყიდველისათვის მიწოდება უნდა განახორციელოს ერთიანად ხელშეკრულების გაფორმებიდან, არაუგვიანეს 35 კალენდარული დღისა, შემდეგ მისამართზე: ქ. თბილისი, სანაპიროს ქ. N2.
- 3.2. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შედგენილი მიღება-ჩაბარების აქტის გაფორმების შემდეგ. შესყიდვის ობიექტების მიწოდების საბოლოო შემოწმების ადგილია შემსყიდველის ფაქტიური მისამართი.
- 3.3 შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.
- 3.4 შემსყიდველის მხრიდან მიღება-ჩაბარების აქტზე ხელმოწერის უფლებამოსილების მქონე პირად განისაზღვროს სსიპ საქართველოს ფინანსური მონიტორინგის სამსახურის საინფორმაციო ტექნოლოგიების სამმართველოს მთავარი სპეციალისტი კახაბერ სხულუხია.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული შესყიდვის ობიექტების საერთო ღირებულება შეადგენს _____ ლარს.
- 4.2 ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. მიწოდებული შესყიდვის ობიექტების ღირებულების გადახდა ხორციელდება უნაღდო ანგარიშსწორების წესით.

4.4. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად შესყიდვის ობიექტის მიღებიდან და მიმწოდებელის მიერ სათანადო დოკუმენტაციის წარმოდგენიდან (იმისდამხედვეთ რომელი უფრო გვიან მოხდება) არაუმეტეს 25 (ოცდახუთი) სამუშაო დღის განმავლობაში.

მუხლი 5. მხარეთა ვალდებულებები

5.1. შემსყიდველი კისრულობს ვალდებულებას წინამდებარე ხელშეკრულების შესაბამისად დროულად და სრულად მოახდინოს მიმწოდებელთან ანგარიშსწორება.

5.2. მიმწოდებელი კისრულობს ვალდებულებას:

5.2.1. ხელშეკრულებით განსაზღვრულ ვადაში მიაწოდოს შემსყიდველს წინამდებარე ხელშეკრულების პირველ მუხლში მითითებული შესყიდვის ობიექტები;

5.2.2. შესყიდვის ობიექტების ნაკლის აღმოჩენისას მოახდინოს ნაკლის გამოსწორება თავისი ხარჯით;

5.2.3. უზრუნველყოს ხელშეკრულებით ნაკისრი ვალდებულების დროულად და სრულად შესრულება.

მუხლი 6. გარანტია

6.1. მიმწოდებელი კისრულობს ვალდებულებას გადასცეს შემსყიდველს უფლებრივად და ნივთობრივად უნაკლო შესყიდვის ობიექტები. შესყიდვის ობიექტების ხარისხი უნდა შეესაბამებოდეს ამ ტიპის საქონელზე მოქმედ სახელმწიფო და/ან საერთაშორისო სტანდარტებს.

6.2. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.

6.3. შესყიდვის ობიექტის საგარანტიო პირობები მოცემულია დანართში.

6.4. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.

7.2. შემსყიდველის მიერ ხელშეკრულებით ნაკისრი ვალდებულების შეუსრულებლობის (ან არაჯეროვნად შესრულების) შემთხვევაში, მიმწოდებელი უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის.

7.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

მუხლი 8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა, ურთიერთშეთანხმების საფუძველზე.

მუხლი 9. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მხარეთა მიერ მისი ხელმოწერის დღიდან, 2015 წლის ---- და მოქმედებს 2015 წლის ----- ჩათვლით.

მუხლი 10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით

ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 11. დავის განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 12. დასკვნითი დებულებები

- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 12.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 12.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 12.4. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

მუხლი 13. მხარეთა რეკვიზიტები და ხელმოწერები

შემსყიდველი

მიმწოდებელი

**სსიპ საქართველოს ფინანსური
მონიტორინგის სამსახური**

მის.: ქ. თბილისი, სანაპიროს ქ. 2
საიდენტიფიკაციო კოდი: 204447330
საბანკო რეკვიზიტები:
სახელმწიფო ხაზინა
ა/ანგარიში GE24NB0330100200165022
ბანკის კოდი: TRESGE22

სამსახურის უფროსი

მიხეილ როინიშვილი

ფასების ცხრილი

№	დასახელება, მოდელი და ტექნიკური პარამეტრები	მწარმოებელი ქვეყნის და კომპანიის დასახელება	რაოდენობა (ცალი)	ერთეულის ფასი (ლარებში)	საერთო ფასი (ლარებში)
1					
2					
3					
	ჯამი				

შენიშვნა: ფასები მოიცავს საქონლის სათანადოდ მიწოდებისათვის აუცილებელ ყველა ხარჯს და კანონმდებლობით გათვალისწინებულ ყველა გადასახადს.

(პრეტენდენტის დასახელება)

(უფლებამოსილი პირის სახელი, გვარი)

(უფლებამოსილი პირის თანამდებობა)

(უფლებამოსილი პირის ხელმოწერა)

ბ. ა.